

Vote sur l'ensemble du projet de loi 8061 et dispense du second vote constitutionnel

D'Ofstëmme fänkt un. Mir kommen elo zu de Votes par procuration. De Vott ass ofgeschloss.

De Projet de loi ass eestëmme mat 60 Jo-Stëmme ugeho.

Ont voté oui : Mmes Diane Adehm (par Mme Nancy Arendt épouse Kemp), Nancy Arendt épouse Kemp, MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Mme Elisabeth Margue (par M. Jean-Marie Halsdorf), M. Georges Mischo (par M. Max Hengel), Mme Octavie Modert, MM. Laurent Mosar, Gilles Roth, Jean-Paul Schaaf, Marc Spautz, Serge Wilmes (par M. Laurent Mosar), Claude Wiseler et Michel Wolter (par M. Jean-Paul Schaaf) ;

Mme Barbara Agostino, MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusty Graas, Mme Carole Hartmann, MM. Pim Knaff (par M. Gusty Graas), Claude Lamberty et Mme Lydie Polfer (par M. Frank Colabianchi) ;

Mme Simone Asselborn-Bintz, M. Dan Biancalana, Mmes Tess Burton (par M. Yves Cruchten), Francine Closener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova, M. François Benoy, Mmes Djuna Bernard, Stéphanie Empain, Chantal Gary, M. Marc Hansen, Mme Josée Lorsché, M. Charles Margue et Mme Jessie Thill ;

MM. Jeff Engelen, Fernand Kartheiser, Fred Keup et Roy Reding (par M. Jeff Engelen) ;

MM. Sven Clement et Marc Goergen ;

Mmes Myriam Cecchetti (par Mme Nathalie Oberweis) et Nathalie Oberweis.

Freet d'Chamber d'Dispens vum zweete Vote constitutionnel?

(Assentiment)

Et ass also esou decidéiert.

13. 8122 – Projet de loi portant réorganisation de l'Administration de la gestion de l'eau et modification de la loi modifiée du 19 décembre 2008 relative à l'eau

8123 – Projet de loi portant réorganisation de l'Administration de la nature et des forêts

De leschte Punkt um Ordre du jour vun haut ass de Projet de loi 8122 iwwert d'Restrukturatioun vun der Administration de la gestion de l'eau an de Projet de loi 8123 iwwert d'Restrukturatioun vun der Administration de la nature et des forêts. Déi gemeinsam Riedezäit ass no zwee Basismodeller festgeluecht. An d'Wuert huet elo d'Madamm Rapportrice vun dese Projets de loi, déi honorabel Madamm Stéphanie Empain. Madamm Empain, Dir hutt d'Wuert.

Rapport de la Commission de l'Environnement, du Climat, de l'Énergie et de l'Aménagement du territoire sur le projet de loi 8122

Mme Stéphanie Empain (déi gréng), rapportrice | Ok, mir maachen dat elo hei ganz nei. Ech hunn tatsächlech vergiess, mä Rapport ze printen, mee ech hunn e Laptop.

Merci, Här President. Dir Dammen an Dir Hären, Madamm Ministesch, ech freeë mech, de mëndleche

Rapport vun direkt zwee Projets de loi haut kennen ze maachen. Et ass eng Kéier de Rapport 8122 an eng Kéier de Rapport 8123, wou et ëm d'Reorganisatioun vun der AGE, also der Administration de la gestion de l'eau, an ëm d'Reorganisatioun vun der Administration de la nature et des forêts, also d'ANF, geet.

En gros geet et drëm, béid Administratiounen méi effikass ...

(Brouhaha)

Bon, en gros geet et drëm, béid Administratiounen méi effikass ze gestalten. Ech ginn natierlech op den Detail vum Rapport an. Ech wäert versichen, d'Gemeinsame vum deenen zwee Gesetzestexten zesummen ze erklären, an do gëtt et zwou kleng Dispositiounen, déi déi zwee Gesetzestexte da vuneneen ënnerscheeden, dorobber wäert ech dann och agoen.

Also, wat den éischte Gesetzestext 8122 iwwert d'AGE ubelaangt, do ass 2020 en Audit gemaach ginn. An eng vun de groussen Erkenntnisser, déi do erauskomm sinn, dat ass, dass et un enger organisatorescher Flexibilitéit mangelt. Déi véier Divisiounen – also dat sinn d'Divisioun vun der Hydrologie, vun der Protection des eaux, vun den Eaux souterraines a vun den Eaux potables a vum Laboratoire –, sou wéi am Gesetz vun 2004 virgesinn, déi sinn historesch gewuess a sinn aus Servicer vun anere Ministèren oder Administratiounen zesummegefuert ginn. Si sinn awer net méi de Besoin vun haut ugepasst.

Wat mer haut brauchen an eisen Administratiounen, ass, dass mer net méi weider u Strukture festhalen, déi Silosdenke favorisieren. Mir mussen e Maximum u Kommunikatioun kennen assurieren tëscht de Servicer an, wou et méiglech ass, natierlech dann och Synergie schafen. Duerfir ass et wichteg, dass mer e Kader stiechen, deen transversaalt Schaffen ënnerstëtzt.

Ausserdeem bässt sech déi aktuell Struktur mam Gesetz vun 2015 iwwert de Statutt vun de Fonctionnaires. Dëst Gesetz vun 2015 gesäit nämlech vir, dass den Direkter oder d'Direktesch responsabel ass fir d'Exekutioun vun der Gestiou vun enger Administratioun. Deementspriedend wier et dann och un him oder hir, fir den Organigramm an d'Aarbeitsorganisatioun vun deenen Administratiounen auszustellen, déi dann och vum zoustännegen Minister géif validéiert ginn. De fixe Kader, dee mer awer elo hunn, léisst dat bis elo net zou, obwuel entre-temps nei Servicer geschafte gi sinn, déi bis elo net am Gesetz festgehalte sinn.

Wat gesäit de Projet de loi also elo vir? E gesäit vir, d'Gesetz vun 2004 ze vereinfachen, méi flexibel ze gestalten. Dofir gëtt an Zukunft dervun ofgesinn, am Gesetzestext déi spezifesch Attributiounen vun all Service oder Divisioun festzeschreiwen. Domadder gëtt dann och séchergestallt, dass d'Administratioun flexibel bleift, fir sech neien Ufuerderungen oder neien Domänen unzupassen.

Och gëtt da séchergestallt, dass am Text d'Unzuel vu Fonctionnaires an der Administratioun net méi no uewe limitéiert ass – wat natierlech net heescht, dass elo illimitéiert kann agestellt ginn, well d'Personaldecken ultimement elo all Joer via Loi budgétaire festgehalte gëtt.

Den Text schafft och en zweeten Directeur-adjoints-Posten, fir dem Fait Rechnung ze droen, dass d'Missiounen an d'Ressourcë vun der Administratioun staark an d'Luucht gaange sinn iwwert d'Joren. Hei wollt ech drop hiweisen, dass dat dee Punkt ass, dee spezifesch fir dese Projet de loi ass an deen also net fir den Text vun der ANF gëllt, well déi haut schonn zwee Soudirektoren huet.

Dann zu den Aarbechten an der Kommissioun: De Projet de loi ass den 21. Dezember 2022 deposéiert ginn. De Conseil d'État huet säin Avis de 16. Mee ofginn. Den Avis vun der Chambre des Fonctionnaires et Employés publics louch den 23. Februar vir an dee vun der Chambre de Commerce den 30. Mäerz. De 24. Mee hu mer de Projet an der Kommissioun analyséiert an de Rapport hu mer elo de 26. Juni ugeho.

Rapport de la Commission de l'Environnement, du Climat, de l'Énergie et de l'Aménagement du territoire sur le projet de loi 8123

Da kommen ech zum zweete Gesetzestext, wéi gesot, deem vun der ANF, 8123. Hei si mer a genau der selwechter Demarche vun engem Audit, dee gemaach ginn ass, an do verweisen ech da wierklech op déi genee Ausféierung vum viregte Projet de loi. Logescherweis si mer dann hei och zu de selwechte Konklusiounen komm, an dese Projet de loi verfolgegt also en gros dat selwecht Zil.

Bei dësem Projet de loi gëtt et awer och ee Punkt, dee spezifesch fir dësen Text ass. Dat ass dee vun den Dispositiounen, wat de Port d'armes vun den Agenten ubelaangt. Den Text, dee mer haut elo stëmme, dee preziséiert, dass d'Benotze vun der Waff autoriséiert ass fir d'Erläise vu blesséierten Déieren, d'Erschéisse vun invasiven Déierenarten an a Fäll vu legitimer Defense.

An och hei zu den Aarbechten an der Kommissioun: Hei ass den Text den Dag drop, den 22. Dezember 2022, deposéiert ginn. De Conseil d'État huet säin Avis de 16. Mee ofginn, an deem e sech allerdéngs net averstane gewisen huet mat den Dispositiounen, wéi se formuléiert ware ronderëm de Port d'armes. Den Avis complémentaire vum Conseil d'État hu mer den 20. Juni kritt. Mir sinn doropshin der Proposition vum Conseil d'État nokomm, wat d'Notioun vun der „légitime défense“ ubelaangt, soudass déi Fro dunn och gekläert war. Den Avis vun der Chambre des Fonctionnaires et Employés publics louch den 23. Februar vir, dee vun der Chambre de Commerce och den 30. Mäerz an da krute mer nach den 8. Mee en Avis vun der Association des universitaires au service de l'Administration de la nature et des forêts. Dat alles hu mer de 24. Mee an der Kommissioun analyséiert an de Rapport hu mer och wéi deen aneren elo de 26. Juni ugeho.

Der Komplettheet halber wéilt ech awer och nach drop agoen, dass mer an der Kommissioun nach d'Diskussioun hate bei dësen zwee Projets de loi, wat d'Qualifikatiounen oder den Ofschloss vun den Direktiounsposten ubelaangt. Den Text, dee gesäit vir, dass een e Master oder en Equivalent muss hunn, fir eligibel ze si fir esou e Posten. An do huet deen een oder deen anere Member an der Kommissioun d'Fro opgeworf, ob et net awer sënnavoll gewiescht wier festzehalen, dass déijéineg Persoun sollt eng Ausbildung an deem Beräich hunn, wou se herno och da Responsabilitéit iwwerhëlt, fir ze evitéieren, dass zum Beispill e Metteur en scène ka Member vun der Direktioun ginn.

Hei ass awer ze soen, dass et hei virun allem wichteg war, sech wierklech déi néideg Flexibilitéit ze loosene, well et och emol Leit gëtt, déi zwar net onbedéngt deen Diplom hunn an trotzdem kéinte fir dee Posten a Fro kommen, well se laang Berufserfahrung hunn, déi si dofir qualifizéiert. Oder et gëtt och Leit, déi aner Qualifikatiounen hu fir esou en Direktiounsposten, déi och emol kënne gebraucht ginn. Ech denken do zum Beispill u Qualifikatiounen am Managementberäich oder am Statistikberäich – vläicht kann d'Madamm Ministesch eis herno och nach aner Beräicher soen –, well mëttlerweil eeben an esou groussen

Administratiounen och aner Kenntnissier kënnen gefrot si wéi **forcement** just aus deem spezifesche Secteur. Fir sech déi néideg **Flexibilitéit** also ze halen, ass den Text hei oppe formuléiert ginn.

Wéi gesot, déi zwee **Texter** leie ganz no beieeneen, mat deenen zwou **Spezifisitéiten**, déi ech opgezielt hunn: d'AGE, déi en zweete **Sousdirekter** kritt, an d'ANF, wou de **Port d'armes** gereegelt gëtt.

Da wéilt ech just zum **Schluss** preziséieren, dass mer nieft dësen zwou **Administratiounen** jo och nach eng drëtt **Administratioun** hunn, nämlech d'Administration de l'environnement. An déi **Reorganisatioun**, déi mer elo hei virhuele fir d'AGE an d'ANF, déi **refletéiert** dann och d'**Reorganisatioun**, déi schonn 2016 an der **Administration de l'environnement** duerchgefouert ginn ass.

Zum **Schluss**: Voilà, ech mengen, mir waren eis alle guerten eens, mir brauche performant **Administratiounen**, déi hire **Missiounen** och kënnen nokommen. Ma grad am **Environnement** an am **Klimaberäich** schwätze mer vun engem **Beräich**, wou de **Klimawandel** an de **Biodiversitéitsverloscht** eis wierklech op eng **alarmant Aart** a **Weis** virun Aen halen, dass mer wëssenschaftlech an **evidenzbaséiert** mussen schaffen, wa mer wierklech **schnell** wëlle **weiderkommen**. An dat **fonctionéiert** awer just, wa mer **interdisziplinär** schaffen, a **genee** dat gëllt eeben och fir eis **Administratiounen**.

Natierlech si mir **Gréng** derfir, dass dës **Administratiounen** deemtspreechend **gestärkt** ginn, an domadder gi mir natierlech dann den **Accord** vun eiser **grénger Fraktioun**. Ech soen Iech villmools **Merci** fir dat **konstruktiv** **Matschaffen** a fir d'**Nolauschteren**.

Plusieurs voix | Très bien!

M. Fernand Etgen, **Président** | **Merci** villmools der **Madamm Rapportrice Stéphanie Empain**.

An als **éischte Riedner** ass déi **honorabel Madamm Martine Hansen** **agedroen**. **Madamm Hansen**, **Dir** hutt d'**Wuert**.

Discussion générale

Mme Martine Hansen (CSV) | Villmools **merci**, **Här President**. Och villmools **merci** der **Madamm Rapportrice** fir den **ausféierleche Rapport**. Ech ka mech och ganz **kuerz** halen. Mir sinn och fir eng **méi effikass Verwaltung** – oder fir **méi effikass Verwaltungen**. Als CSV si mer awer och der **Meenung**, dass **Direktiounen** vun enger **Verwaltung** och mussen e **gewëssent Fachwëssen** hunn **iwwert** dat, wou se u sech herno **decidéieren**.

E **bëssen iwwerspëtzt** gesot: D'**Direktioun** vun der **Forstverwaltung**, mengen ech, muss eng **Buch** vun enger **Eech** oder vun engem **Dännebam** **ënnerscheede** kënnen oder se muss **zumindest** **eppes iwwer** **nohalteg Bëschwirtschaft** kennen. Vill **betrafte Leit** **dobaussen** hunn **nämlech d'Gefill**, dass ganz vill **Leit iwwer** si **decidéieren**, **iwwer hire Beruff** **decidéieren**, déi u sech net esou vill **Anung** **dovunner** hu wéi si **selwer**, an dat ass net gutt an da ginn och vill **Saachen** net **akzeptéiert**.

(M. Mars Di Bartolomeo prend la présidence.)

Mat dësem **Gesetz** ass hei ass d'**Dier** ganz **grouss** opgemaach ginn ... Ech mengen, d'**Madamm Rapportrice** huet gesot, et kéinten och **Statistiker** **agestallt** ginn. Jo, et kéinten och **Statistiker** **agestallt** ginn, ech mengen awer net, dass déi hei op der **richteger Plaz** wäeren. **Zumindest** **misst** an der **Direktioun** **Fachwëssen** do sinn. Et gëtt just e **Master** **gefrot**, an den **Avis** vun den **Universitaires** **au service de l'Administration de la nature et des forêts** huet dat am **Prinzip** ganz kloer **beschriwwen**. Si hu **geschriwwen**:

„L'administration de la nature et des forêts est une administration technique dépendant du ministère ayant l'environnement dans ses attributions. Dès lors une connaissance spécifique notamment dans le domaine de la gestion de l'environnement naturel au sens large est une condition sine qua non pour diriger cette administration.“

A si hunn och eng **Propos** **gemaach**, an ech fannen déi **Propos** wär **richteg** **gutt** **gewiescht**, wa mer déi hätte kënnen **iwwerhuelen** an deenen **zwee Gesetzer**. Hei ass eeben elo d'**Propos** vun der **Forstverwaltung**: „Pour être nommés par le Grand-Duc aux fonctions de directeur respectivement de directeur adjoint, [...] les candidats doivent être détenteurs d'un diplôme de master reconnu en sciences naturelles, ou d'un diplôme de master et d'une expérience reconnue en sciences naturelles“, an: „Au moins un des fonctionnaires A1 de la direction (directeur ou adjoint) devra avoir une spécialisation dans le domaine de la sylviculture.“ Well deem **Ganzen** hei awer net **Rechnung** **gedroe** ginn ass, wäerte mer eis bei dësen **zwee Projet-de-loi**en **enthalten**.

Plusieurs voix | Très bien!

M. Mars Di Bartolomeo, **Président de séance** | **Merci**. Den **nächste Riedner** ass schonn **ënnerwee**. Den **Här Gusty Graas** huet elo **direkt d'Wuert**.

M. Gusty Graas (DP) | **Merci**, **Här President**. D'**Waasserverwaltung** ass jo u sech nach eng **relativ nei Verwaltung**. Déi **datéiert** vum **Joer 2004**. Ech ka mech nach ganz **gutt** **erënneren**, wéi déi hei **kreéiert** ginn ass. An zwar **hate** mer do och e **puer Diskussiounen**, well se **nämlech** am **Interieur** **ugesidelt** gi war. Dat war **ënner** der **CSV/DP-Koalitioun**. Bon, eng **Partei** huet awer **éischter drop** **gehalen**, dass se sollt am **Interieur** **ugesidelt** ginn. Dat huet net **jidderengem** **gefall**, **ënner** **anerem** mir och net, mee **bon**. De **qualitativen Aspekt** soll **ouni Zweifel** **priméieren**, wa mer vum **Waasser** **schwätzen**, net de **quantitativen**, also ass et ganz **evident**, dass eng **Waasserverwaltung** an den **Environnement** **gehéiert**. Dat ass jo **dunn** och **mam Regierungswissel 2013** **geschitt** an dat ass och **richteg** **esou**.

Ech mengen, de **Waasserschutz** ass **ouni Zweifel** eng ganz **wichtig** **Missioun**. Mir sollen do och ganz **éierlech** **sinn**: Mir hunn nach vill **Aufgabe** **virun** eis. Wa mer zum **Beispill d'Qualitéit** vun eise **Gewässer** **huelen**, dann ass déi net **onbedéngt** **berauschend** – fir net méi ze soen. Mir hunn nach eng ganz **Rei** **Defiziter**. Mir hu **praktesch** **keng Baach** **méi**, **kee Floss** **méi**, wou ee ka vun enger **akzeptabler** **Qualitéit** **schwätzen**. Mir wëssen, dass eis **Kläranlagen** zum **gudden Deel** nach **Nachholbedarf** hunn – **Stéchwuert véiert Klärstuf** –, wou jo zwar ganz vill **Iwwerleeunge** **gemaach** ginn, wou och d'**Pläng** **amgang** **sinn**, **ausgeschafft** ze ginn. An dat ass och **gutt** **esou**, dass ass och **richteg** **esou**, mir **mussen** awer do nach ganz vill **investéieren**. **Leider** **kommen** nach **ëmmer vill** ze vill **Friemstoff**er an eis **Gewässer**.

Da **kënn** natierlech de **Phenomeen** vum **Klimawissel** och **derbäi**, **deen** eng ganz **Rei** **nei Problemer** **mat** **sech bréngt**. **Duerfir** ass et och **elo** **gutt**, dass mer déi **Waasserverwaltung** **elo** u sech **straffen**, dass mer hir **Missiounen** nach **méi kloer** **definéieren**, dann d'**Recht** op **Kontrollen**, wat méi **spezifiéiert** gëtt. **Effektiv**, d'**Kontrolle** **sinn** **extrem** **wichtig**. **Besonnen** **wann** et eng **Pollution accidentelle** ass oder eng **Pollution diffuse**, ass et **vu grousser Importenz**, dass esou **séier** wéi **méiglech** um **Terrain** och do **reagéiert** gëtt. **Natierlech** wësse mer, dass déi **Verwaltung** an och déi, **iwwert** déi mer herno nach **schwätzen**, **Personal** **man** **gel** hunn – **doriwwer** **eraus** **natierlech** och nach **aner Verwaltungen**. Et ass also **wichtig**, dass se **bescht** **méiglech** **opgestallt** ginn.

Bon, ech **kommen** **natierlech** dann och net **derlaanscht**, fir eng **Remark** ze **maachen** **iwwert** déi **Qualifikatioun**, déi **virausgesat** gëtt, fir den **Direkter** **respektiv** déi **zwee Sousdirekteren**, wou do jo just e **Master** **gefuerdert** gëtt. Ech muss soen, dass dat awer **trotzdem** – an d'**Rapportrice** **huet** et jo gesot – zu **Diskussiounen** **gefouert** **huet**. An ech fannen et och net **schrecklech** **glécklech**, dass mer do **einfach** **nëmme** **vun engem Master** **schwätzen**. Dat **heescht**, **theoreetesch** kann also och en **Theolog** oder e **Museker** **Direkter** **vun der Waasserverwaltung** ginn, woubäi ech **guer näischt**, **Här Galles**, **géint** en **Theolog** **soen** oder **géint** e **Museker**, mee ech **bleiwen** **awer** och der **Meenung**, dass awer soll eng **Fachkenntnis** hei **virausgesat** ginn. Ech **hoffe** **jiddefalls**, wa mer de **Choix** **müsse** **maache** **vun engem Direkter** **respektiv** **engem Sousdirekter**, dass do awer ganz **kloer** **Krittären** **dee Moment** **awer festgehal**en ginn. Et **wier** **vläicht** **awer** e **bësse** **méi glécklech** **gewiescht**, wa mer dat och am **Gesetz** **esou** **zréckbehalen** hätten.

Wat och **gutt** ass, ass, dass et **elo** **effektiv** **keng** **Limitt** fir d'**Personal** **gesat** gëtt, well, wéi gesot, déi zwou **Verwaltungen** **ouni Zweifel** nach **mussen** **opgestockt** ginn. De **Conseil d'État** hat eng **Iddi** do **proposéiert**, déi fannen ech net **onbedéngt** ganz **glécklech**. En **huet** **gemengt**, dass ee **kéint** **vläicht** eng ganz **Verwaltung** **maachen**, wou een déi **dräi Aspekter** **géif zesummesetzen**. Ech **géif** dat **keng** **gutt** **Iddi** fannen. Ech fannen et och **richteg**, dass mer nach **wie** **vor** **dräi** **verschiede Verwaltungen** **ënner** dem **Ministère de l'Environnement** **lafen** hunn.

Här President, **Dir** **Dammen** an **Dir Hären**, wat **elo** déi **nei** – **bon**, déi **nei?** –, jo, déi **reorganiséiert** **Natur- a Forstverwaltung** **ubelaangt**, och do kann een **änlech** **Remarque** **maachen**. Ech mengen, et ass och **gutt**, dass en **Audit** **gemaach** ginn ass. Et ass **gutt**, wann **emol** eng **Kéier** **vu baussen** een **analyséiert**, wéi **eppes** **fonctionéiert**. Do si **vläicht** **éischter** **Schwaachstellen**, déi **opfalen**, wéi wann dat awer **Leit** **vu banne** **maachen**. Et ass wéi bei der **Waasserverwaltung** jo och bei der **Forstverwaltung** an **Naturverwaltung**, dass do eeben **nei Aufgaben** **derbäikommen**. Ech mengen, och um **Niveau** vum **Naturschutz** **stelle** **sech** **extrem** **grouss** **Erausforderungen** an den **nächste Joren**. Mir wëssen, dass och do ganz vill **Problemer** **bestinn**, **Stéchwuert** **Biodiversitéit**, déi jo **ouni Zweifel** net **onbedéngt** **zougeholl** **huet**, mee **éischter** nach **ofgeholl** **huet**.

Mir wëssen och, dass mer um **Niveau** vum der **Gestioun** vum de **Bëscher** nach **Problemer** hunn, **dofir** **waarde** mer jo och op dat **neit Bëschgesetz**, wat jo **misst** och eng **Verbesserung** da **mat** **sech bréngen**. Och hei, wéi gesot, nach eng **Kéier** déi **selwecht** **Remark**, wat eeben d'**Qualifikatioun** vum **Direkter** a vun deenen **zwee Sousdirekteren** **ubelaangt**. An och hei **wëll** ech op den **Avis** vum **UNF**, also den **Universitären** an der **Natur- a Forstverwaltung**, **hiweisen**.

Vläicht zum **Schluss** nach eng **kuerz** **Remark** och zum **Artikel 7**, wou et jo **ëm** de **Besët** vum de **Waffe** **geet**. Och dat ass jo **elo** **hei** **méi** **explizitt** **erkläert**, wat och ganz **wichtig** ass, well et u sech jo dann net **dierft** zu enger **Feelinterpretatioun** **féieren**. **Wéi** **gesot**, mat deem **eenzege** **klenge** **Bemoll** do ass d'**DP** **awer** **mat** **deenen** **zwee Gesetzesprojeten** **hei d'accord**, an ech **soen** **awer** och **ofschléissend** der **Rapportrice** nach **Merci** fir hir **verschiede** **Rapporten**.

Merci.

Plusieurs voix | Très bien!

M. Mars Di Bartolomeo, **Président de séance** | **Merci** och. An dann huet d'**Wuert** **direkt** d'**Madamm Cécile Hemmen**.

Mme Cécile Hemmen (LSAP) | Jo, **merci**, **Här President**. Ech **wäert** **mech** **wierklech** ganz **kuerz** **halen**. Ech

wéilt awer fir d'éischt emol der Rapportrice e ganz grouse Merci soe fir hire Rapport. An da wollt ech eigentlech just soen, dass mir als LSAP komplett hantert der bürokratescher an der administrativer Vereinfachung stinn, déi dës zwee Gesetzter eigentlech mat sech bréngen. Duerfir ginn ech dann och den Accord mat Iwwerzeegung vun eiser Fraktioun. Merci.

M. Mars Di Bartolomeo, Président de séance | Merci. An den nächsten ageschriwwene Riedner ass den Här Fred Keup.

(Interruptions)

M. Fred Keup (ADR) | U mir?

(Hilarité)

M. Mars Di Bartolomeo, Président de séance | A, ech hunn hei „Här Fred Keup“ stoen.

M. Fred Keup (ADR) | Jo, villmools merci, Här President. Et war elo e bësse méi schnell gaangen. Et wäert och bei mir schnell goen. Och mir si fir effikass Verwaltungen, a bei dësen zwou Verwaltungen ass dat sécherlech mat dësem Projet och hei eng gutt Iddi. Allerdéngs kann ech mech deem uschléissen, wat virduen och hei d'CSV gesot huet: Et ass net logesch, dass een net dervu profitéiert, fir hei an d'Gesetz dranzeschreien, plus/minus awer a wéi eng Richtung e Master soll goe fir déi Leit, déi an den Direktiounen vun deene Verwaltungen wäerte vertruede sinn.

Mir hate schon emol virun enger Zäitchen eppes Änlech. Ech mengen, deemools ass et gaangen ëm d'Direktioun an der Hotelsschoul, wann ech mech net ieren. An ech fannen, mir sollten dorop oppassen, dass déi Leit, déi beim Staat an den Direktiounen sinn, och eppes vun deem Fach kenne respektiv eppes studéiert hunn, wat mat deem Thema ze dinn huet, ëm dat se sech këmmere. Ech mengen, ech war och Proff an engem Lycée an ech hätt net gär gehat, wann ech en Direkter gehat hätt, dee wierklech ni Schoul gehalen hätt an eeben och net selwer Proff gewiescht wier.

Duerfir wäerte mer eis bei dësem Gesetz enthalen. Merci.

M. Mars Di Bartolomeo, Président de séance | Merci och. Dann ... Ech hunn zwar d'Madamm Oberweis net hei stoen, mee si kuckt mech esou, wéi wa se eppes wéilt soen.

Mme Nathalie Oberweis (déi Lénk) | Jo, effektiv. Also, meng Kolleegin, d'Myriam, ass net méi do, mee ech sollt eppes fir si soen, an zwar, dass mer de Projet matstëmmen. Ech hätt just eng, zwou Remarken. Dofir, ech hale mech ganz kuerz. Mir bedauern effektiv, dass an der Lescht oft privat Auditsentreprises d'Reformvirschléi de facto mat ausschaffen, a mir mengen, fir d'Zukunft wär et eigentlech méi sënnavoll fir den Erfolleg vun esou Restrukturatiounen, wann d'Fonctionnaires an d'Employéens u sech selwer mat-schwätze kéinten an d'Reformvirschléi och kéinte mat ausschaffen, eventuell souguer mam Input vun Externen, déi mat der respektiver Verwaltung och zesummeschaffen. Et si jo och déi, déi hir Services a Besoinen och am beschte kennen an als Fëscht feststellen, dass e legale Kader net méi den Erausforderung gewuess ass.

Trotzdem stëmmen mir dat heiten natierlech mat. Villmools merci.

M. Mars Di Bartolomeo, Président de séance | Merci gesot. An dann ass de leschte Riedner den Här Marc Goergen. Här Goergen, Dir hutt d'Wuert.

M. Marc Goergen (Piraten) | Merci, Här President. Merci dem Stéphanie Empain fir de gudden

schrëftlechen a mündlechen Rapport. Och mir sinn awer stanen.

M. Mars Di Bartolomeo, Président de séance | Merci och.

An dann huet d'Wuert d'Madamm Ëmweltministesch.

(M. Fernand Etgen reprend la présidence.)

Prise de position du Gouvernement

Mme Joëlle Welfring, Ministre de l'Environnement, du Climat et du Développement durable | Här President, Dir Dammen an Dir Hären, villmools merci fir dës Geleeënheet, nach eng Kéier kuerz op déi Projet-de-loien anzegoen. D'Zil – an et ass schon eng Kéier ugeklongen – vu béide Gesetzter ass et, dësen zwou Verwaltungen à l'image vum 2016er Gesetz vun der Ëmweltverwaltung e méi flexibel Kader ze ginn, e Kader, an deem souwuel d'Waasserverwaltung wéi och d'Naturverwaltung hir Missiounen méi effizient an zur Zefriddenheet vun der Allgemengheet kënnen erfëllen.

Dir wësst et, mir si mat dräi planetäre Krisen konfrontéiert als Gesellschaft, dat ass d'Klimakris, d'Biodiversitéitskris, awer och d'Pollutiounskris. Doraus ergëtt sech – an net nëmmen doraus – eng immens Theemevillfalt, déi mer musse kënnen bewältigen, engersäits mat staarken Ekippen an eisem Ministère, mee awer och an deenen dräi Verwaltungen. An déi Theemevillfalt an och dee Kontext evoluéiert. Do gëtt et eng gewëssen Dynamik, souwuel um internationale Plang wéi och um europäesche Plang, an dofir brauche mer och déi Flexibilitéit. Dat hunn ech och aus eegener Erfahrung a mengen néng Joer bei der Ëmweltverwaltung ganz kloer matkritt.

Wéi schon ugeklongen ass, hu mer konform zum Regierungsprogramm Audite gemaach fir déi zwou Verwaltungen, dat war 2020, och à l'image vun deem, wat deemools gemaach ginn ass bei der Ëmweltverwaltung. An ech kann awer och hei verschidde Leit berouegen: Wann esou Audite gemaach ginn, ginn à la fois natierlech Leit befrot aus der Gesellschaft, Acteuren, déi wichteg sinn an déi vill mat deene Verwaltungen ze dinn hunn – dat heescht, dat ass net am stillen Kämmerlein gemaach ginn, an natierlech gi bei der Reorganisatioun duerno a bei der Ausschaffung vun deene Gesetzestexten och d'Ekippe vun deenen eenzele Verwaltungen mat implizéiert. Dat ass och ganz wichteg. Eng Verwaltung kann net funktionéieren mat enger Top-down-Anproche eleng, dat ass evident.

Voilà, mir brauchen also eng méi flexibel Grondlag, déi och da komplementär ass zum Beamtestatutgesetz, dat jo och säit 2015 ganz kloer Virgabe gëtt. Dat heescht, mir konnten och déi Gesetzter, déi wierklech déi eenzel Verwaltungen nach definéieren, souzesoen entschlacken an op dat Wesentleche reduzéieren. Et ass kloer, dass säit dem Gesetz vun 2015 iwwert de Beamtestatut d'Verantwortung bei der Direktioun läit, fir den Aarbechtsprogramm opzestellen, awer och den Organigramm, déi duerno vun der Ministesch oder vum Minister da validéiert ginn. Dat ass ganz kloer esou, an et ass och wierklech do, wou ech géif soen, wou d'Musek spilt.

Wéi gesot, mir hunn eis Erfahrung gemaach mam Gesetz vun 2016 vun der Ëmweltverwaltung. Och do krute mer gutt Feedbacken, och vun dobaussen, vun der Gesellschaft, dass dat relativ gutt funktionéiert, an och vun deene Leit, déi do schaffen, dass dat wierklech vill Avantagé bruecht huet an och eng gewësse Flexibilitéit an eng Agilitéit par rapport zum Kontext. Fréier goufen do nei Ekippe gegrënnt mat all neier Thematik, déi erubrecht ginn un eng Verwaltung. Elo hu mer d'Verwaltung esou opgestallt, dass do am Fong Berufssparte beieneen sinn, dat heescht,

dass een do flexibel ass par rapport zu der Evolutioun vun den Thematiken.

An da gëtt et och nach d'Spezialgesetzter wéi zum Beispill d'Naturschutzgesetz, d'Bëschgesetz, d'Juegdgesetz a sou wieder, wou och nach ganz konkret, spezifesch thematesch Verwaltungsaufgaben drastinn. Déi brauchen een net ze widderhuelen an engem Verwaltungsgesetz.

Ech wëll elo nach eng Kéier op déi Saach mat den Diplomaten augehen. Wéi gesot, d'Iddi war och, dass mer eng Kohärenz an eng gewëssen Harmonie an déi dräi Gesetzesgrundlage vun eisen dräi Verwaltungen bréngen. An et ass esou, dass weeder am Gesetzestext vun der Waasserverwaltung, nach am Gesetzestext vun der Ëmweltverwaltung eng Präzisioun zum Diplom drasteet, ausser dass et muss e Master sinn. An ech kann Iech berouegen – an Dir wësst dat –, dass mer do weeder e Museker, nach eng Theolog, nach e Metteur en scène bis elo agestallt hunn.

Ech war ganz vill beschäftegt mat dem Rekrutement vun Direktionsmembere an dësem Joer a mir hunn do bei der Ëmweltverwaltung zwee Physiker an ee Cheemiker a bei der AGE zwee Chemiker elo u Bord, mat deene mer ganz zefridde sinn a wou mer eis och wierklech ganz vill Méi ginn hu beim Rekrutement, an dat ass sécher eng Suerg, déi och bei mir am Ministère gedeelt gëtt, wou mer wierklech ganz gutt drop oppassen. Dat wäert och an Zukunft esou sinn, well et ass nëmmen esou, wéi och déi Aufgaben – dat si breet Aufgaben, déi mer do hu bei alle Verwaltungen, an och wierklech ganz wichteg Aufgaben – kënnen konkret ëmgesat ginn.

Ech hunn awer meng Erfahrung och gemaach als Member vun enger Direktioun, dass et och guttdeet, wann een do méi verschidden Disziplinne beieneebréngt. Déi Interdisziplinaritéit, dat ass elo keng Lubie, dat ass wierklech eppes Wichtige. An et gesäit een och bei Verwaltungen, déi – soen ech emol – vun hirem Effectif hier och wuessen, dass do eng zolidd Basis am Public Management och kann en Advantage hunn. Dat heescht, wann een do eng Ekippe huet, wou souwuel Naturwëssenschaftler dra sinn ... Wann een dräi Membere huet, da kann et och ganz gutt sinn, wann do zousätzlech Leit dra sinn, déi aner Kenntniser mat sech bréngen. Wichteg ass, dass do Erfahrung matkënn, wéi ee mat Leit ëmgeet, wéi een och mat Acteuren dobaussen ëmgeet, wéi ee Gesetzestexter pragmatesch ëmsetzt, an och déi Erfahrung kann een an aneren Disziplinne wéi an der Naturwëssenschaft mat sech bréngen. An dofir kann et och emol interessant sinn, e Jurist u Bord ze hunn oder eeben, wéi gesot, een, dee sech am Management spezialiséiert huet, well dat ass definitiv eng ganz wichteg Aufgabe.

Voilà, ech mengen, et si scho ganz vill Saachen och gesot ginn iwwert d'Spezifisitéiten, och vum Waffengesetz. Ech mengen, ech ginn elo méi op d'Waffendroen ..., dofir ginn ech elo net nach eng Kéier hei drop an.

Wéi geet et elo weider an deenen zwou Verwaltungen? Déi zwou Verwaltungen hu sech e Programme de travail ginn. Dat ass wierklech do, wou wierklech eeben halt véier Joer genau gekuckt gëtt, wéi eng Aufgabe mussen ëmgesat ginn a mat wéi engen Detailer. Dat heescht, dat ass wierklech den – soen ech emol – Réckstrang vun deenen ... Dat leeft. D'ANF huet sech och en neien Organigramm ginn an d'AGE ass amgang, sech do en neien ze ginn. Dat heescht, do geschéien och grad nach ganz vill Saachen. D'AGE waart do och elo natierlech op dëst Gesetz, fir dat elo nach eng Kéier ze peaufinéieren.

Dat heescht, déi Gesetzter hunn hir Wichtegkeet, an ech soen Iech alleguer Merci fir Är positiv an Är konstruktiv Remarken an der Rapportrice ganz speziell fir dës Presentatioun. Merci, Här President.

**Plusieurs voix | Très bien!**

M. Fernand Etgen, Président | Merci villmools der Madamm Ëmweltministesch Joëlle Welfring. D'Diskusoun ass elo ofgeschloss.

Da komme mer elo fir d'éischt zur Ofstëmmung iwwert de Projet de loi 8122. Dat ass dee vun der Waasserverwaltung. Den Text steet am Document parlementaire 8122⁴.

Vote sur l'ensemble du projet de loi 8122 et dispense du second vote constitutionnel

D'Ofstëmmen fänkt un. Mir maachen de Vote par procuration. De Vott ass ofgeschloss.

De Projet de loi ass mat 35 Jo-Stëmmen bei kenger Nee-Stëmm a 25 Abstentiounen ugeholl.

Ont voté oui : Mme Barbara Agostino, MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusty Graas, Mme Carole Hartmann, MM. Pim Knaff (par M. André Bauler), Claude Lamberty et Mme Lydie Polfer (par M. Gusty Graas) ;

Mme Simone Asselborn-Bintz, M. Dan Biancalana, Mmes Tess Burton (par M. Yves Cruchten), Francine Closener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova, M. François Benoy, Mmes Djuna Bernard, Stéphanie Empain, Chantal Gary, M. Marc Hansen, Mme Josée Lorsché, M. Charles Margue et Mme Jessie Thill ;

MM. Sven Clement et Marc Goergen ;

Mmes Myriam Cecchetti (par Mme Nathalie Oberweis) et Nathalie Oberweis.

Se sont abstenus : Mmes Diane Adehm, Nancy Arendt épouse Kemp, MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Mme Elisabeth Margue (par Mme Nancy Arendt épouse Kemp), M. Georges Mischo (par M. Max Hengel), Mme Octavie Modert, MM. Laurent Mosar, Gilles Roth, Jean-Paul Schaaf, Marc Spautz, Serge Wilmes (par M. Félix Eischen), Claude Wiseler (par Mme Martine Hansen) et Michel Wolter (par Mme Octavie Modert) ;

MM. Jeff Engelen, Fernand Kartheiser, Fred Keup et Roy Reding (par M. Jeff Engelen).

Freet d'Chamber d'Dispens vum zweete Vote constitutionnel?

(Assentiment)

Dann ass et esou decidéiert.

Da komme mer elo zur Ofstëmmung iwwert de Projet de loi 8123. Dat ass deen iwwert d'Natur- a Bëschverwaltung. Den Text steet am Document parlementaire 8123⁸.

Vote sur l'ensemble du projet de loi 8123 et dispense du second vote constitutionnel

D'Ofstëmmen fänkt un. Da maache mer och hei elo de Vote par procuration. De Vott ass ofgeschloss.

Dëse Projet de loi ass och mat 35 Jo-Stëmmen, kenger Nee-Stëmm a 25 Abstentiounen ugeholl.

Ont voté oui : Mme Barbara Agostino, MM. Guy Arendt, André Bauler, Gilles Baum, Mme Simone Beissel, MM. Frank Colabianchi, Fernand Etgen, Gusty Graas, Mme Carole Hartmann, MM. Pim Knaff (par M. Frank Colabianchi), Claude Lamberty et Mme Lydie Polfer (par M. Claude Lamberty) ;

Mme Simone Asselborn-Bintz, M. Dan Biancalana, Mmes Tess Burton (par M. Yves Cruchten), Francine Closener, MM. Yves Cruchten, Mars Di Bartolomeo, Mme Cécile Hemmen, M. Dan Kersch, Mme Lydia Mutsch et M. Carlo Weber ;

Mme Semiray Ahmedova, M. François Benoy, Mmes Djuna Bernard, Stéphanie Empain, Chantal Gary, M. Marc Hansen, Mme Josée Lorsché, M. Charles Margue et Mme Jessie Thill ;

MM. Sven Clement et Marc Goergen ;

Mmes Myriam Cecchetti (par Mme Nathalie Oberweis) et Nathalie Oberweis.

Se sont abstenus : Mmes Diane Adehm, Nancy Arendt épouse Kemp, MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mme Martine Hansen, MM. Max Hengel, Aly Kaes, Marc Lies, Mme Elisabeth Margue (par M. Laurent Mosar), M. Georges Mischo (par M. Max Hengel), Mme Octavie Modert, MM. Laurent Mosar, Gilles Roth, Jean-Paul Schaaf, Marc Spautz, Serge Wilmes (par Mme Nancy Arendt épouse Kemp), Claude Wiseler (par Mme Martine Hansen) et Michel Wolter (par Mme Octavie Modert) ;

MM. Jeff Engelen, Fernand Kartheiser, Fred Keup et Roy Reding (par M. Jeff Engelen).

Freet d'Chamber och hei d'Dispens vum zweete Vote constitutionnel?

(Assentiment)

Dann ass et esou decidéiert.

Domat si mer um Enn vun der Sitzung ukomm. D'Chamber kënnt muer de Moien um 9.00 Auer nees zesummen.

D'Sitzung ass opgehewen.

(La séance publique est levée à 18.12 heures.)

Questions au Gouvernement

Sommaire

Objet	N°	Auteur	Page	Objet	N°	Auteur	Page
Devis pour des analyses de biologie médicale non inscrites dans la nomenclature	7536	Sven Clement	79	Disparition de deux militants écologistes au Mexique et lien potentiel à une entreprise ayant son siège à Luxembourg	7715	Stéphanie Empain, Charles Margue	84
Cours de natation à l'École de police	7580	Nancy Arendt épouse Kemp	79	Autorisation d'exercer la profession de médecin	7716	Sven Clement	84
Nouvelle version du projet de contournement de Bascharage	7706	Myriam Cecchetti	79	Centre socio-éducatif de l'État	7717	Octavie Modert, Léon Gloden, Max Hengel	84
« Science Center » à Differdange	7707	Diane Adehm, Martine Hansen	80	Groupe cardiologique du Centre Hospitalier du Nord	7718	Martine Hansen	85
Contournement de Bascharage	7708	Fernand Kartheiser, Fred Keup	81	Centre socio-éducatif de l'État	7719	Fred Keup	85
Pont de Wormeldange	7709	Octavie Modert, Léon Gloden, Max Hengel	81	Luxembourg Science Center	7720	Sven Clement	85
Compensation fiscale du Luxembourg en faveur des régions frontalières	7710	Mars Di Bartolomeo, Yves Cruchten	82	Luxembourg Science Center	7721	Sven Clement	86
Hausse des loyers par le Fonds du logement	7711	Martine Hansen	82	Luxembourg Science Center	7722	Sven Clement	86
Travail en prison	7712	Nathalie Oberweis	82	Luxembourg Science Center	7723	Sven Clement	86
Comité des élèves	7713	Fred Keup	83	Sabotage du gazoduc Nord Stream	7724	Fernand Kartheiser	87
Protection de la jeunesse	7714	Léon Gloden, Octavie Modert	83	Prise en charge des transports en taxi en cas de traitement médical	7725	Max Hengel	87
				Cours de premiers secours en milieu scolaire	7726	Cécile Hemmen	87